

हद्रथंतरे ताभ्यामेव तत्संवत्सरं तरंति. पादौ वै बृहद्रथंतरे शिर एतद-  
हः पदाभ्यामेव तच्छ्रियं शिरोभ्यायंति. पक्षौ वै बृहद्रथंतरे; शिर एत-  
तदहः पक्षाभ्यामेव तच्छ्रियं शिरोभ्यायुवते. ते उभे न समवसृज्ये;  
य उभे समवसृजेयुर्यथैव छिन्ना नौर्बधनात्तीरं तीरमृच्छंती प्लवैतैवमेव  
ते सत्रिणस्तीरं तीरमृच्छंतः प्लवेरन्. य उभे समवसृजेयुस्तद्यादि रथं-  
तरमवसृजेयुर्बृहत्तैवोभे अनवसृष्टे. अथ यदि बृहदवसृजेयू रथंतरे-  
णैवोभे अनवसृष्टे; यद्वै रथंतरं तद्वैरूपं. यद्वृहत्तद्वैराजं यद्रथंतरं  
तच्छाकरं यद्वृहत्तद्वैवतमेवमेते उभे अनवसृष्टे भवतो; ये वा एवं  
विद्वांस एतदहरूपयंत्याप्त्वा वै ते ऽहःशः संवत्सरमाप्त्वाधर्मासश  
आप्त्वा मासश आप्त्वा स्तोमांश्च छंदांसि च आप्त्वा सर्वा देवता  
स्तप एव तप्यमानाः सोमपीथं भक्षयंतः संवत्सरमभिषुण्वंत आसते;  
ये वा अत ऊर्ध्वं संवत्सरमुपयंति. गुरुं वै ते भारमाभि नि दधते; सं  
वै गुरुभारः शृणाल्यथ य एनं परस्तात् कर्मभिराप्त्वा ऽवस्तादुपैति  
स वै स्वस्ति संवत्सरस्य पारमश्रुते ॥ १३ ॥

यद्वै चतुर्विंशं तन्महाव्रतं; बृहद्विवे नात्र होता रेतः सिंचति. तददो  
महाव्रतीयेनान्हा प्र जनयति. संवत्सरे संवत्सरे वै रेतः सिक्तं जायते.  
तस्मात्समानं बृहद्विवो निष्केवल्यं भवत्येष ह वा एनं परस्तात्कर्मभि-  
राप्त्वा वस्तादुपैति य एवं विद्वानेतदहरूपैति. स्वस्ति संवत्सरस्य  
पारमश्रुते य एवं वेद. यो वै संवत्सरस्यावारं च पारं च वेद स  
वै स्वस्ति संवत्सरस्य पारमश्रुते ऽतिरात्रो वा. अस्य प्रायणीयो वार-  
मुदयनीयः पारं स्वस्ति संवत्सरस्य पारमश्रुते य एवं वेद. यो वै  
संवत्सरस्यावरोधनं चोद्रोधनं च वेद स वै स्वस्ति संवत्सरस्य  
पारमश्रुते ऽतिरात्रोऽवा. अस्य प्रायणीयो ऽवरोधनमुदयनीय उद्रो-  
धनं; स्वस्ति संवत्सरस्य पारमश्रुते य एवं वेद. यो वै संवत्सरस्य